

**Cogitationes, Sive Considerationes Christianae Pro
singulis Anni diebus**

Complectens Julium, Augustum, Septembrem

Nepveu, François

Monachii, 1709

Dies 24. De medijs acquirendi, vel conservandi pacem animæ.

[urn:nbn:de:hbz:466:1-60520](#)

Erubescere, quod hactenus tam male usus fueris Augustus, morbis, dum eos non excepisti hoc modo consideratos: & statue deinceps melius ex illis proficere.

Nec in infirmitate sua quaesivit Dominum, sed magis in medicorum arte consilus est. 2. Paral. c. 16. 12.

Qui ex carnis blandimento peccavimus, ex carnis afflictione purgemur. Greg.

DIES XXIV.

De Mediis acquirendi, vel conservandi pacem animæ.

I.

Nemo non vera pace gaudere cupit; sed pauci viam ingrediuntur, quæ ad illam dicit: Primum, tutissimumque pacem obtinendi medium est, de nulla re solicitum esse, quam ut Deo placeamus. Si creaturis placere volo, non semper eis placebo; & ut ipsis displiceam, aliquoties satis est, nimium illis placere velle. Et hoc est, quod pacem meam turbat. Si quibusdam placerem, non placerem alijs; si placerem ipsis hodie, certum mihi non est, fore, ut etiam cras eis placeam. Homo adeò in-

con-

Augustus. constans, & mutabilis est, ut res ei hodie grata, cras ingrata sit. At, si omnibus, & semper placerem, redderétn me omnibus placendi felicitas meliorem? redderétn me perfectè contentum? Ah! sæpè me detersorem reddit, & proin verè infelicem potestne igitur illa efficere, ut pacem posseam? verùm, si Deo placere volo, certum mihi est, me semper ei placere: & si Deo placebo, persuasum mihi est, me sanctū, me prædestinatum, me beatum esse, quantum quidem in hac vita fieri potest, & secundum pignus habere, me olim æternū fore beatum. En veræ pacis originem!

II. Alterum medium pace gaudendi, est, nihil desiderare præter Deum. Si desidero, si quæro alia bona, non semper in mea potestate est, ea adipisci: Quàm multi divitias, honores, & voluptates optant, quantis conatibus eas obtinere nituntur, nec tamen obtinent! Desideria, quibus in hæc bona feruntur, ad nihil prosunt, nisi ad afferendam ipsis inquietudinem. Conatus, quos impendunt illis consequendis, ad nihil serviunt, nisi ad eos inutiliter fatigandos; &, si eas haberent, ipsos non satiarent, nec quæsitam ipsis pacem afferent. Bona hæc levia, superficiaria, vacua, & semper angustissimis terminis circum-



cumscripta sunt. Qui igitur cor, cuius capacitas immensa est, explere, ejusque siste desideria possent, afferendo pacem, quæ non nisi in Deo inveniri potest. Omnis mihi desiderio, si nihil quæro præter te, certum mihi suppetit medium, te inveniendi, & possidendi. Plus non requiritur, quam, ut me tibi donem, te inveniam, & possideam: dum enim te invenio, omnia bona invenio: omnia desideria mea quiescent: cor meum contentum est, & pace gaudet, quam turbare nihil potest.

III. Tertium medium pace gaudendi est, Deo le penitus committere: *Dominus regit me; & nihil mihi deerit.* Inquit Prophetæ. Deus cogitat de me; annon tutum mei oblivisci, & pace gaudere possum? Profundo confidentiæ, & sustentationis meæ omnes habeo Providentiæ divinæ thesauros, qui ad me pertinent, si ei me committo: an mihi metuendum, ne ad inopiam redigar? Scio, voluntatem Dei erga me esse voluntatem Patris, & omnium Patrum optimi: scio, hanc esse voluntatem bonitate, & tenerimo amore plenam. Ecquid igitur melius optare mihi possum, quam, ut ea impleatur? Et certum mihi est, eam impletum iri semper, nisi ei me opponam.

Ah!

Augustus.

Augustus,

Ah ! Domine , possūmne habere cogitationem me tibi opponendi ? Non volo, nisi quod tu vis , atque ita mihi nil accidet præter id , quod volo : quis igitur pacem meam turbare potest ? Coniicio me in brachia Dei mei ; ibi requiescam, & indormiam sinui , ut ita dicam , amabilis ipius Providentiæ. An non hoc est tranquillitate frui ? Si in terris Paradisus invenitur, an non eo gaudet anima sic comparata ?

Cùm tantopere pacem optes, statue tribus hisce mediis uti ad eam obtinendam perquām aptius.

Pax Dei , quæ exsuperat omnem sensum , custodiat corda vestra, & intelligentias vestras. *Philip. 4.7.*

Pacem omnes desiderant, sed quæ ad veram pacem pertinent , non omnes curantur. *Imit Christi l. 3. c. 25.*

D I E S XXV.

De Obligatione, quæ Christianis incumbit , perfectionem secandi.

L

*P*Erfecti estote, sicut Pater vester Cælestis. Hoc tatur Christus , non discipulos modi

